

Misi pemuliharaan karang

SERAMAI 40 sukarelawan dengan kerjasama Leges Divers, Pusat Penyelidikan Marin Universiti Kebangsaan Malaysia (EKOMAR), dan Jabatan Perikanan Malaysia sebagai rakan strategik kerajaan, telah menjalankan misi pemuliharaan karang selama tiga hari di Kampung Salang, Pulau Tioman dari 19 hingga 21 Julai lalu.

Usaha itu merangkumi pemantauan kesihatan karang, menjalankan bengkel pendidikan, dan menghulurkan sumbangan Amal Jariah kepada komuniti Pulau Tioman, yang membuktikan komitmen EGTB terhadap kelestarian dan kesejahteraan komuniti.

Menurut Ketua Pegawai

Program Reef Check Malaysia, Alvin Chelliah, lebih banyak karang telah mula memutih disebabkan oleh gelombang haba baru-baru ini pada bulan April dan Mei, dengan purata 25 peratus pemutihan karang direkodkan di Johor dan Pahang.

"Sehubungan itu, melalui Leges Divers, Jabatan Perikanan Malaysia telah menggalakkan Etiqa untuk memantau kesihatan karang bagi membantu menentukan langkah pemuliharaan masa hadapan dalam menyelamatkan terumbu karang di Kampung Salang, Pulau Tioman," katanya dalam kenyataan.



SUKARELAWAN bergambar semasa menjalankan misi pemuliharaan karang di Salang Tioman, baru-baru ini.